

Datum: 12.10.2016.

Broj: 06-01/548

Svim medijima – dostavlja se

Počinje druga TI BiH Akademija političkog osnaživanja žena u Sarajevu

Političke aktivistice će imati priliku da se upoznaju sa praktičnim vještinama iz oblasti liderstva i ulogom žena u bh.politici, a posebno će biti obrađene teme koje ukazuju na značaj transparentnosti i integriteta u politici

Sarajevo, 12.10.2016. -- Sutra u Sarajevu sa radom počinje druga po redu TI BiH Akademija političkog osnaživanja žena u okviru koje će se obraditi sljedeće teme: učešće žena u politici, uloga integriteta i transparentnosti u politici te liderstvo i politika.

Nakon održane Akademije u Mostaru, političke aktivistice iz sarajevske regije imaće priliku da se upoznaju sa praktičnim vještinama iz oblasti liderstva i ulogom žena u bh.politici, a posebno će biti obrađene teme koje ukazuju na značaj transparentnosti i integriteta u politici. Akademija u Sarajevu je druga od ukupno četiri u nizu (Mostar, Sarajevo, Tuzla, Banja Luka) koje organizuje Transparency International u Bosni i Hercegovini u periodu od septembra do novembra 2016.

Predavači na ovogodišnjoj Akademiji suiskusni i prepoznati stručnjaci u svojim oblastima djelovanja: Tanja Topić, Edita Miftari i Srđan Blagovčanin. Posebno predavanje na temu liderstva će drugi dan Akademije održati Boris Divjak, osnivač i član Odbora direktora TI BiH.

TI BiH Akademija političkog osnaživanja žena u Sarajevu će se održati 13. i 14. oktobra 2016., a sa radom će početi **13. oktobra u 10 časova na Fakultetu političkih nauka u Sarajevu**. Polaznice će uvodnim govorom pozdraviti Aleksandra Martinović, potpredsjedavajuća Odbora direktora TI BiH.

Izjave za medije su predviđene u 09:45.